

11-07-2025

- सरकार देश च दुर्लभ धरते आले चुंबकें दे उत्पादन गी बढ़वा देने लेई 1 ज्हार 345 करोड़ रपे दी सब्सिडी योजना शुरू करने दी योजना बना'रदा ऐं
- सरकार नै इलैक्ट्रानिक्स ट्रकें गी प्रोत्साहन देने दी योजना शुरू कीतीं जिस राएं स्वच्छ ऊर्जा ते टिकाऊ आओजाई लेई मदद थहोगं
- राष्ट्रीय जरनैली शिड़कें सरबंधी प्राधिकरण सुचारु टोल संचालन जकीनी करने लेई टोल फास्टैग दी सूचना देइयै उनेंगी ब्लैकलिस्ट करने दी प्रक्रिया गी होर मजबूत करी दित्ता ऐं
- राष्ट्रीय सुरक्षा सलाहकार अजित डोभाल होरें आखेआ जे ऑपरेशन सिंदूर दरान भारत नै स्वदेशी तकनीकें गी दर्शाया ऐं उनें विद्यार्थिऐं गी एआई ते क्वांटम टेक्नालोजी दा इस्तेमाल करोग, भारत गी 2047 तगर विकसित राष्ट्र बनाने दा आह्वान कीतां
- इक राष्ट्र इक चुनां उप्पर सांझी संसदीय कमेटी दी बैठक नमीं दिल्ली च संसद भवन च होई
- मौसम विभाग नै अज्ज राजस्थान, मध्यप्रदेश ते उत्तर प्रदेश च कुतै कुतै भारी थमां मती भारी बरखा दी पेशगोई कीती ऐं

<><><><><><>

Rare Earth

सरकार देश च दुर्लभ धरते आले चुंबकें दे उत्पादन गी बढ़वा देने लेई 1 ज्हार 345 करोड़ रपे दी सब्सिडी योजना शुरू करने दी योजना बना'रदी ऐं इस लेई अंतर मंत्रालय सलाह सूत्र चला'रदे दा ऐं इस गल्ल दी जानकारी भारी उद्योग मंत्रालय च सचिव कामरान रिजवी होरें नमीं दिल्ली च इक कार्यक्रम च जानकारी दित्तीं उनें आखेआ जे इस योजना कन्नै दुर्लभ धरते आले आक्साइड गी चुंबक च बदलने लेई पूरा समर्थन प्रदान करोगं सब्सिडी कन्नै कंपनिऐं गी दुर्लभ धरते आले आक्साइड गी चुंबक च बदलने लेई प्रससकरण सुविधा स्थापत करने च निवेश करने च सुविधा होगं प्रसतावित योजना चीन आस्सेआ दुर्लभ धरते आले चुंबकें दे निर्यात पर प्रतिबंध लाने दे मददेनजर आई ऐं जिस करी वैश्विक आपूर्ति प्रभावत होई ऐं ते ईवी निर्माताऐं पर असर पेआ ऐं

<><><><><><>

Kumaraswami

भारी उद्योग मंत्री एच.डी.कुमारस्वामी होरें पीएम-ई-ड्राइव योजना तैहत इलैक्ट्रानिक ट्रकें गी प्रोत्साहन देने दी अज्ज शुरूआत कीतीं सरकार नै पैहली बारी इलैक्ट्रानिक्स ट्रकें दे समर्थन लेई योजना शुरू कीती ऐं एहदा मकसद देश गी स्वच्छ ऊर्जा बक्खी लेई जाना ते माल ढोआई दी टिकाऊ आओजाई च मदद करना ऐं इस मौके पर श्री कुमारस्वामी होरें आखेआ जे 1 सौ करोड़ रपे दे व्यय कन्नै दिल्ली च पंजीकृत कोई 1 ज्हार 1 सौ ई-ट्रकें दे प्रोत्साहन लेई विशेष प्रावधान कीता गोआं

<><><><><><>

Railway-MVIS

रेल विभाग नै सुरक्षा गी बढ़वा देने लेई मशीन विजन पर आधारित निरीक्षण प्रणाली लाने लेई डैडीकेटिड फ्रंट कोरीडोर कारपोरेशन ऑफ इंडिया लिमिटेड कन्नै समझौता ज्ञापन पर दस्तखत कीते नं एमवीआईएस आर्टिफिशल इंटेलीजेंस ते मशीन लर्निंग आधारित आधुनिक तकनीकी प्रणाली ऐं जेहड़ी चलदी रेलगडिडएं दे अंडर गियर दी उच्च रेसोल्यूशन आली तस्वीरें लैदा ऐं ते कुसै बी लटक दे दिलें जां गैयब नुजें दा बी पता लाई लैदा ऐं गड़बड़ी दा पता चलने पर एह प्रणाली तरल प्रतिक्रिया ते निवारक कारवाई लेई रीयल टाइम अलर्ट जारी करदी ऐं

<><><><><><>

HM

केन्द्री गृहमंत्री अमित शाह होरें अज्ज नमीं दिल्ली च यमुना नदी च परतियै जान भरने पर इक उच्च सतह दी बैठक दी अध्यक्षता कीतीं बैठक च केन्द्री मंत्री मनोहर लाल खट्टर, सी.पी.पाटिल, दिल्ली

दियां मुखमन्त्री रेखा गुप्ता, गोविंद मोहन सनें होरने वरिष्ठ अधिकारी बी मजदूर हैं बैठक च यमुना नदी परतियै जान भरने ते ओहदे लेई समनियम प्रयासैं ते कार्य योजनाएं पर चर्चा कीतीं

<><><><><><>

NHAI

भारतीय राष्ट्रीय जरनैली प्राधिकरण नै सुचारू टोल सुचालन जकीनी करने लेई टोल फास्टैग दी सूचना देइयै उनेंगी ब्लैकलिस्ट करने दी प्रक्रिया गी होर मजबूत करी दित्ता ऐं शिड़क परिवहन ते जरनैली शिड़क मंत्रालय नै अज्ज इक ब्यान च आखेआ ऐ जे टोल फास्टैग, जिनेंगी आम तौरा पर टैग-इन-हैंड दे रूपै च जानेआ जंदा ऐ इलैक्ट्रॉनिक टोल संग्रह कार्य दी दक्षता लेई इक चुनौती ऐं मंत्रालय नै आखेआ जे समें पर सुधारात्मक उपाएं जकीनी करने लेई एनएचएआई नै इक समर्पित ईमेल आईडी प्रदान कीती ते टोल संग्रह अजेंसी ते रियात ग्राहिकें गी नेई फास्टैग दी तुरत सूचना देने दा निर्देश दित्ता ऐ, हासल रिपोर्टें दे आधार पर एनएचएआई रिपोर्ट कीते गे फास्टैग गी ब्लैकलिस्ट करने लेई तुरत कारवाई करोगं

<><><><><><>

Doval Op Sindoor

राष्ट्रीय सुरक्षा सलाहकार अजीत डोभाल होरें आखेआ जे ऑपरेशन सिंदूर दरान भारत नै स्वदेशी तकनीकें दा गै इस्तेमाल करदे होई छड़े 28 ऐं मिंटे च पाकिस्तान च स्थित आतंकवादिऐं दे अड्डें गी नेस्तनाबूद करी दित्तां यूटी मद्रास दे 62 में दीक्षांत समारोह च अपने संबोधन दरान डोभाल होरें आखेआ जे ऑपरेशन सिंदूर दरान भारतीय फौज कश ब्रम्होस, एकीकृत वायु कमान प्रणाली ते रडार जनेही अत्याधुनिक प्रौद्योगिकी हीं उनें आखेआ जे नेहा ज्हरां बरे च कुतै इक बारी हुंदा ऐ ते देसे दे नोजवानें गी एहदे बारे जानना लोडचदां उनें विद्यार्थिऐं गी आर्टिफिशल इंटेलीजेंस ते क्वांटम कम्प्यूटिंग जनेह संसाधने राएं नमीं तकनीक दा निर्माण करियै देसे गी 2047 तगर विकसित राष्ट्र बनाने दा आग्रह कीतां

<><><><><><>

Sarvajanic Ganeshotsav

महाराष्ट्र सरकार नै सार्वजनिक गणेशोत्सव गी राज्य उत्सव घोषित करी दित्ता ऐं राज्य सरकार भव्य समारोहें लेई पैहा मुहैया करोगं महाराष्ट्र सरकार नै अधिकारिक तौरा पर सार्वजनिक गणेशोत्सव गी राज्य उत्सव घोषित करी दित्ता ऐं एह घोषणा कल विधानसभा च सांस्कृतिक मामले दे मंत्री आशीष शेलार होरें कीतीं उनें एह बीपुष्ठी कीती जे राज्य सरकार पूरे महाराष्ट्र च भव्य समारोहें दे आयोजन ते प्रचार दा खर्चा चुकोगं श्री शेलार होरें दस्सेआ जे सार्वजनिक गणेशोत्सव समाजिक एकता, राष्ट्रवाद, स्वतंत्रता दी भावना, स्वाभिमान ते अपनी भाषा पर मान दे मुल्येंद । प्रतीक ऐं इस बरे 10 दिनें तोड़ी चलने आला एह गणेशोत्सव 29 अगस्त गी शुरू होगं

<><><><><><>

Population Day

अज्ज विश्व आबादी दिवस ऐं एह ध्याड़ा हर बरे जुलाई म्हीने दी 11 तरीक गी बधा'रदी आबादी दी चुनौतिऐं पर ध्यान केन्द्रित करने लेई मनाया जंदा ऐं एहदा मकसद आबादी सरबन्धी मुद्दें ते पर्यावरण ते विकास कर्में मुत्तलक मुद्दें बारे जागरूकता पैदा करना ऐं इस बरे दा विशेषार ऐ-माँ ते बच्चे दी सेहत ते कल्याण लेई गर्भावस्था दा स्वस्थ समां ते अंतरालं इस विशेषार च इस मौके पर केन्द्रीय सेहत मंत्री जे.पी.नड्डा होरें ई सोशल मीडियो पोस्ट च आखेआ जे एह ध्याड़ा जागरूकता सरबन्धी चुनौतिऐं दा लबेड़ा करने च भारत दे धेइयै गी नमां रूप इने दा मंच उपलब्ध करोआंदा ऐं

<><><><><><>

Quantum

इलैक्ट्रॉनिक्स ते इनफर्मेशन टेक्नालोजी मंत्रालय नै क्वांटम साइबर तैआरी भेठा अगगे बधने सरबन्धी श्वेत पत्र गी अज्ज नमीं दिल्ली च जारी कीतां श्वेत पत्र बक्ख-बक्ख क्षेत्रें दे उनें संगठनं लेई लाहकारी मार्गदर्शन दे जेह्दे क्वांटम सेफ ते क्वांटम रेडीनेस दी तकनीक दी शुरूआत करना चाहदे नं इस च नमें सुरक्षा प्रावधाने ते मूजदा ढांचे गी किट्टे जोडिद्यै व्यवहारिक नजरियै अपनाने दी सफारश कीती गई ऐं

<><><><><><>

Kanwar Yatra

श्रावण मास दी सलाना कावड़ यात्रा अज्ज थमां शुरु होई गई कावड़ यात्रा दरान बड़ी मती गिनतरी च लोक उत्तराखंड दे हरिद्वार गौमुख ते बंगोत्री जनेई तीर्थ थाहरें पर गंगा नदी दा पवित्र जल लेई ओने लेई जंदे नं दिल्ली, उत्तर प्रदेश ते उत्तराखंड सरकारें नै तीर्थयात्रिणं दे प्रबंधन लेई व्यापक बवस्था कीती ऐं कावड़िया कावड़ यात्रा गी लेइयै बड़े गै खुश नं इस बरे दी एह यात्रा अज्ज कोला शुरु होइयै 23 जुलाई तोड़ी जारी रौहंग सरकार नै आखेआ जे हर बरे आंगर गै इस बरे बी देसे दे बक्ख-बक्ख राज्यें मिां करोड़ें कावड़ियें दे औने ते हरिद्वार पुज्जने दी मेद ऐं राज्य पुलस दे 7 जहार जोआन, एसडीआरएफ ते पैरा मिल्द्री बल बी तैनात कीते गेदे नं

<><><><><><>

JPC

इक राष्ट्र इक चुनां उप्पर सांझी संसदीय कमेटी दी बैठक अज्ज नमीं दिल्ली च संसद भवन च होई 39 मिंबरी लोक सभा ते 12 मिंबर राजरुसभा थमां नं एह बैठक संवैधानिक बिल 2024 मते केन्द्रीय शासत कनून सरबंधी बिल 2024 जांच लेई व्यापक आयास दा इक हिस्सा हीं जेहदा मकसद लोकसभा ते राज्य विधानसभा लेई इक्को गेल्ले चुनां कराना ऐं पैनल च बीजेपी दे सांसद पी.पी. चौधरी हुंदी अध्यक्षता च कनूनी विशेषज्ञें कन्नै बचार बमर्श कीता गेआं बैठक च सांबा चीफ! जस्टिस ऑफ इंडिया जगदीश सिंह खेयर ते तस्टिस डी.वाई.चन्द्रचूड़ होरें बी कमेटी अगगे अपने बचार प्रगट कीमें इस मौके बीजेपी सांसद अनुराग सिंह ठाकुर, कांग्रेस सांसद प्रियंका गांधी ते होरने बैठक च हिस्सा लैतां

<><><><><><>

IMD

भारतीय मौसम विभाग नै अज्ज पूर्वी राजस्थान, उत्तर प्रदेश ते मध्यप्रदेश च कुतै-कुतै भारी थमां मती गै भारी बरखा दी पेशगोई कीती ऐं विभाग मताबक अज्ज अरुणाचल प्रदेश, छत्तीसगढ़, हरियाणा, चंडीगढ़, हिमाचल प्रदेश, झारखंड, पंजाब, उत्तराखंड ते विदर्भ च भारी बरखें दी मेद बुज्झी गई ऐं मोसम विभाग नै अगले 7एं दिनें दरान देश दे उत्तर-पूर्वी, पच्छिम, पूर्व ते केन्द्रीय हिस्से च हल्की थमां मझाटने दर्ज दी बरखें दी मेद बुज्झी गई ऐं

<><><><><><>

RBI

भारतीय रिजर्व बैंक दे गवर्नर संजय मल्होत्रा होरें साफ कीता जे बेशक 2000 रपे दे नोट चलन च नेई हैन मगरा एह हुन बी कनूनी रूपै च वैद्य नं उनें एह गल्ल वित कन्नै सरबंधत संसदीय स्थाई समिति गी भारत दी आर्थिक वृद्धि दे बारे च जानकारी दिंदे होई अपनी संसद दे केई सदस्यें, संसदीय समिति दी बैठक दरान 2000 रपे दे नोट दी स्थिति दे बारे च सुआल कीता हां रिजर्व बैंक नै अजें तोड़ी इनें नोटों गी अवैध घोशत नेई कीता ऐं

<><><><><><>

Brazil

ब्राजील दे राष्ट्रपति लुइस इनासियो लूला डी सिल्वा होरें आखेआ ऐ जे कर अमरीकी राष्ट्रपति डोनाल्ड ट्रंप होरें ब्राजील गी चीजें पर 50 फीसद आपात शुल्क लांगन तां अमरीका पर बी जवाबी शुल्क लाया जागं श्री ट्रंप होरें ब्राजील दे साबका राष्ट्रपति जैरे बोल्सोनारो हुंदे खलाफ अपराधिक मुकदमें गी लेइयै रोष व्यक्त करदे होई ब्राजील पर 50 प्रतिशत आयात शुल्क लाने दी घोषणा कीती हीं

<><><><><><>

NASA

अमरीकी अंतरिक्ष अजेंसी नासा नै आखेआ जे भारतीय अंतरिक्ष यात्री गुप कैप्टन शुभाशु शुक्ला ते एस्यिम-4 मिशन दे त्रै होरने क्र सदस्यें दी वापसी थमां शुरु होगं नासा दे कमर्शियल क्रू प्रोग्राम दे प्रबंधक स्टारव होरें इक प्रेस वार्ता च एह जानकारी दितीं मिशन वापसी शुरु होने दे केई घेंटेबाद अंतरिक्ष यात्री प्रशांत महासागर च कैलीफोर्निया तट दे कोल उतरोगं

<><><><><><>

SIA Raids

राज्य जांच अजेंसी एसआईए नै आतंकवादी गतिविधिएं लेई रपेया—पैसा उपलब्ध करोआने कन्नै जुड़े दे इक मामले च जम्मू डोडा ते हंदवाड़ा च त्रै संदिग्ध थाहरें पर छापे मारे नं जारी इक ब्याना मूजब इस कारवाई दा मकसद क्रिप्टोकरसी दे राएं बन्ने पारा थमां आतंकी गतिविधिएं लेई रपेया—पैसा उपलब्ध करोआने दी साजश दा पर्दाफाश करना ऐ तां जे जम्मू कश्मीर च आतंकवाद ते अस्थिरता पैदा करने दे भैड़े मंसूबें गी नाकाम कीता जाई सकैं ब्यान च इब्बी आखेआ गेआ ऐ जे छापेमारी आली इस कार्रवाई दा मकसद ओकड़े तत्वेन दी शिनाख्त करना ऐ जेहड़े नौजवानें गी गुमराह करियै राष्ट्री सुरक्षा लेई खतरा पैदा करना चांहदे नं इस कार्रवाई दरान जब्त कीते गेदे दस्तावेजें ते इलैक्ट्रानिक उपकरणें कन्नै मेद ऐ जे एस.आई.ए. गी राष्ट्र बरोधी गतिविधिएं च मलव्वस लोकें ते उं'दे साथिएं दी शिनाख्त करने ते उं'दी धर—फगड़ करने च खरी मती मदाद हासल होगं

<><><><><><>

PM-Rozgar Mela

प्रधानमंत्री नरेन्द्र मोदी होरें कल वीडियो कांफ्रेंसिंग राएं नमें भर्थी कीते गेदे नोजवानें गी 51 ज्हार शा मते नियुक्ति पत्र सौंपगनं इनें नोजवानें दी मती बक्ख—बक्ख सरकारी मैह्कमे ते संगठने च कीती गेदी ऐं इस मौके पर प्रधानमंत्री होरें भर्थिएं गी संबोधत बी करगनं एह रोजगार मेला मुख्य भरै दे 47 थाहरें पर आयोजित कीता जागं नमीं भर्थी लेई मुख्य भरै थमां चुने गेदे लोक बक्ख—बक्ख मंत्रालय जियां जे गृहमंत्रालय, सेहत ते परोआर कल्याण मंत्रालय, श्रम ते रोजगार मंत्रालय ते डाक विभाग शामिल नं मुख्य भरै च रोजगार मेले राएं हुनै तोड़ी 10 लक्ख शा मते नियुक्ति पत्र जारी कीते गेदे नं

<><><><><><>